

Van Sunte MATHIAS den apostel

MATHIAS die apostel ons heren
wert gecoren in [-een] stede
IUDAS des verraders mer van
IUDAS geboorte wil wi eerst wat
seggen **M**en leest in eenre
historien dat een man was in
IHERUSALEM die RUBEN hiet die oec
anders hiet SYMEON van **I**UDAS
geslachte **M**er *IHERONIMUS* die seyt
dat hi was van YSACHARS geslachte
Hi had een wijf die **S**IBORIA heete
Op eenre nacht doe si malkander
bekent hadden doe wert **S**IBORIA
slapende **E**nde si sach enen
droem die si seyde haren man al
suchtende van anxt. **W**ant mi
dochte sp<+r>ac [-Mi droem] si
dat ic baerde een alte vreseliken
soen die een sake der
verderfnisse wesen sel van onsen
geslacht **E**nde RUBEN seyde **D**u
spreecste een quaet dinc [132vb]
dat onweerdich is der vertellinge.
ende si seyde werdic gewaer dat
ic dragende *werde* *ende* ic enen
sone bare so beteykent dese
droem waer **D**aer na doe si enen
soen baerde ontsagen si hem
beyden seer **E**nde want si daer na
begonste te denken wat si mitten
kinde doen soude *ende* om dat si
hem ontsagen hair kint te doden
ende si oec dat niet op voeden
en wouden die haer geslacht
bederuen soude so deden sijt in
een corfkijn *ende* setten op die
see *ende* die vloet vander see
dreeffen aen een eylant dat

**Van IUDAES gheborde ende sine
doot**

HEt gheuiel in HERODES tijden
des coninx *ende* in PYLATUS tijt
des baelius **d**at een man was in
IUDEA gheboren huten gheslachte
van IUDEA die gheheeten was
RUBEM **h**i hadde een wijf die hiet
CYBORIA *ende* hi was eens nachts
wettelic met hare *ende* als so in
slape was doe quam hare te
voren wonderlike dinghen *ende*
doe so wart ontwaken verzuchte
soe onsoete *ende* weende zeere
als die haer duchte dat haer yet
mochte messcien **d**oe seyde haer
man te hare mi wondert
vtermaten zeere wat zeericheden
di heuet beroert **d**oe seyde so als
wi waren *vergadert* wettelic du
ende ic **s**o sach ic in minen
drome dat ic soude baren een
kint dat soude vuldoen die
quaetheit van den IODEN **d**oe so
andwoerde RUBEM te zinen wiue
die quade gheest heeft di dit
gheseit of dijn ghedochte heeft
dit vorsien *ende* verclaert **s**oe
sprac onse volc sal werden
ghedestruert bi hem *ende*
RUBEM wart beuaen met groeten
wondre *ende* seyde dit es een
quaet dinc want *men* eist niet
sculdich te vertreckene **a**lso als ic
wane du best metten duuele **s**oe
zwoer dat also soude ghefallen

SCARIOCH hiet **E**nde van dien
eylande hiet hi **I**UDAS SCARIOTH
Die coninginne van den lande
die geen kinderen en hadde die
ginc mit hare camerieren totter
see om haer te verwanderen **D**oe
si den corf sach dryuen beual si
datmen op dede **E**nde doe si
daer een scoen kint in vant
vruchte si *ende* seyde **O**ch of ic
tot minen sollaes dus sconen kint
hadde ende ic niet en werde
beroeft van enigen erfgenaem
mijns rikes aldus dede si dat kint
al heymelic op voeden *ende*
vensede haer dat si kint droech
Ende daer na [-lachede]
<+loech> si *ende* seyde dat si
enen soen gebaert had *ende* dit
[-ger] feestelike gerucht
dedemen doer al[133ra]den rijc
openbaren **D**ie coninc wert seer
blide dat hi een [-coni] kint had
ende al dat volc *verblide* hem
seer *ende* <de coninc> dede
<+dedet> eerlic op voeden als
enen coninc toe behoert. **N**iet
lange daer na wert die
coninginne dragende vanden
coninc *ende* si baerde enen soen.
Ende doe dese kinder een luttel
gewassen waren speelden si
dicke te gader *ende* **I**UDAS dede
den anderen kinde altoos quaet
ende deden dicke screyen **D**at
mochte die coninginne qualike
liden want si wist wel dat haer
IUDAS niet en bestont *ende* si
sloechen dicke daer om **M**er
nochtans en liet hijs niet daer om
hi en dede den kinde altoos
quaet **T**en lesten werts dies
conincs kint gewaer dat **I**UDAS

als soe hadde gheseit **e**nde soe
ontbeidde met groeter vreesen
dien tijt van haerre baringhen **a**ls
die tijt *quam* doe *wart* van hare
gheboren een cnapelin kint **d**oe
so *wart* die vader begrepen met
groeter vreesen [213va] **w**ant het
dochte hem quaet dat hi soude
dooden zijn kint **e**nde oec so
docht hem quaet dat ment soude
laten te liue die soude doen so
vele quaets **d**oe so *wart* hi in rade
dat hi soude doen maken een
coruekin van weden *ende* daer
in soude dat kint legghen *ende*
werpent in die zee **d**it *wart*
ghedaen doe so *verdreef* dat kint
an een eylant dat was gheheeten
SCARIOOT **d**aer af *quam* hem die
name dat hi hiet IUDAES SCARIOT
doe *quam* daer die coninghinne
van dien lande *spelen* vp die zee
met haren camerwiuen **d**oe sach
so dat coruekin *zwemmen* vp die
zee **d**oe so lieper toe eene
cameriere *ende* sacher in *ligghen*
een kint **e**nde so seide te haerre
vrouwen dat *het* ware eens
conincs kint *ende* naemt huter
vloet *ende* droucht haerre
rauwen der coninghinnen **e**nde
so besach neerrenstelike dat kint
ende seide haddic dustane een
kint sone soudic niet durren
deruen mijns conincs rijken **d**oe
daden die camerieren gheent
kint voestren **e**nde die niemare
brac huut dat die coninghinne
hadde een kint **d**oe soe
verblijdde haer volc dor des lants
wille **e**nde cortelike daer naer so
ontfinc de coninghinne een
wettelic kint **a**lse dese twee

des conincs soen niet en was
ende verweet hem dat hi een
vondelinc was des scaemde hem
IUDAS seer *ende* sloech des
conincs soen al heymelic doot.
Diemen voer sinen brueder hielt
Ende want hi hem ontsach
datmen hem hier om doden
soude so vloech hi tot *IHERUSALEM*
ende werp hem an **PYLATUS** hof
die daer een prouoest was **E**nde
om dat elc sijn gelijc begeerde so
mercte **PYLATUS** dat **IUDAS** hem
gelijc was in zeden **E**nde hi
begonsten herde lief te hebben
Hier [133rb] om maecte **PILATUS**
IUDAS drossaet van al sinen huse
ende men dede daer als hi beual
Op enen dach lach **PYLATUS** in
sinen palase ende sach wt enen
venster in enen boemgert **I**n
welken waren seer scoen
appelen ende hi creech so grote
lust van dien appelen dat hi bina
onmachtich wert **E**nde dien
boemgaert hoerde **RUBEN** toe
IUDAS vader met **IUDAS** en kende
sinen vader niet noch **RUBEN** en
kende sinen soen niet want
RUBEN waende dat hi verdronken
waer in die see **E**nde **IUDAS** en
wist niet [-waen hi] waen hi was
of wie sijn vader was **E**nde
PYLATUS dede **IUDAM** tot hem
comen ende seyde **I**c heb so
grote lust van genen appelen
ende en heb icker niet ic sal
steruen **E**nde thant so clam **IUDAS**
inden boemgaert ende brac
sterkelic die appel **H**ier en
binnen quam **RUBEN** ende vant
IUDAM sijn appelen lesende ende
brekende **S**i worden seer

[s]peelden te gadre in haerre
Ioncheden **d**oe dede **IUDAES**
dicken weenen der
coninghinnen kint **d**oe so
veronwerde de coninghinne
IUDAES want so wiste wel dat haer
kint niet ne was **t**en laetsten so
quaemt hute dat **IUDAS** was een
vondelinc **d**oe so scaemde hem
IUDAS ende doodde der
coninghinnen kint stillekine **d**oe
so ontsach hem **IUDAS** dat hi
soude verliesen sijn lijf omme die
daet **d**oe soe quam hi an lieden
die wilden [213vb] te *IHERUSALEM*
omme daer te voerne tribuut
ende **IUDAES** voer mede als hi
quam te *IHERUSALEM* **s**o ghinc hi te
PYLATUS houe die te dien tijden
was bailiu in *IHERUSALEM* **d**oe
onthiltene **PYLATUS** ende cortelike
daer naer so was hi ghemaect
meester van **PYLATUS** houe **v**p
eenen tijt so stont **PYLATUS** voer
sine zale ende sach teenen
boemgaerde waert **e**nde daer so
sach hi eene vrucht die hi
begherde vtermaten **z**eere **d**oe so
riep hi **IUDASE** te hem **e**nde seide
ne hebbic niet van gheenre
vrucht ic sterue **d**oe so ghinc
IUDAES te ghenen boemgaerde
ende nam van dier vrucht **d**oe so
quam daer ieghen **RUBEM** dies die
vrucht was ende scalt ieghen
IUDASE **d**oe so slouch **IUDAES**
RUBEM in den hals met eenen
steene dat hire omme staerf **d**ie
dach te ghinc die nacht quam
ende **RUBEM** was vonden doot
doe so waendemen wel dat hi
hadde ghestoruen gayliken **d**oe
nam **PYLATUS** **RUBEMS** wijf **e**nde

sceldende *ende* daer na worden
si vechtende ende sloegen
malkander **T**en lesten sloechen
IUDAS mit enen steen inden
knoop van den halse *ende*
sloechen doot **A**ldus droech
IUDAS die appelen tot **P**YLATUM
ende seyde hem hoe dat hi
geuaren hadde **D**oet auont
geworden [133va] was so
vantmen **R**UBEN doot **E**nde men
waende dat hi vander gadoot
gestoruen was **H**ier na gaf **P**YLATUS
al **R**UBENS goet **I**UDAS **E**nde gaf
hem **S**IBORIA **R**UBENS wijf te wiue.
Op een tijt die **S**IBORIA swaeric
versuchte so vragede haer **I**UDAS
haer man vlitelic wat haer waer
Ende si seyde **A**y my ic bin dat
onsalichste wijf dat ye geboren
was want ic verdranc mijn kint in
die zee *ende* vant minen man
doot **E**nde op minen rouwe so
heeft mi **P**YLATUS noch rouwe toe
gedaen *ende* heeft mi di mijns
ondancs te wiue gegeuen **E**nde
doe sijt hem al aldus vertellet
hadde van haren kinde *ende*
IUDAS geseyt had wat hem gesciet
was so vonden si dat hi sine
moeder te wiue had *ende* dat hi
sinen vader gedoot had **E**nde
hier om had hi rou **E**nde bi
SIBORIEN rade so ginc hi aen
onsen here **I**HESUM **C**RISTUM *ende*
hi vercreech van hem oflaet van
sinen sunden **E**nde onse here
maecten sijn ionger *ende* van
sinen **I**onger maecte hi
< +hem > sijn apostel. **O**nse here
hadden soe lief dat hi en makede
scaffenaer der ander apostelen
ende sinen budel drager nochtan

gafse **I**UDASE te lone omme die
daet die hi dede **d**oe wart die
brulocht ghedaen *ende* als si te
bedde waren so *versuchte*
CYBORIA van rauwen **d**oe
vraechde haer **I**UDAES waer *omme*
so *versuchte* **s**oe andwoerde ic
verdranc mijn kint in de zee *ende*
ic vant minen man doot gaylic **n**u
so hebbic eenen man bouen
minen wille dat deert mi bouen
alle dinc **d**oe *verhoerde* wel
IUDAES dat hem gheuallen ware
dese dinc *ende* dat hi hadde ziere
moeder te wiue **h**ier *omme* so
wilde hi penitencie doen bi den
rade van ziere moeder **d**oe so
wart hi **I**HESUS disciple *ende*
drouch die bor[214ra]se *ende* hi
stal die aelmoessene diemen gaf
den apostelen **d**ese vercochte
onsen heere *omme* .xxx.
seluerine penninghe in dien
temple *ende* als hi ansach dat hi
den onnoeselen hadde vercocht
doe warp hi die .xxx. seluerine
voer der Ioden voeten *ende*
ghinc hem seluen verhanghen
ende daer hi hinc so spleet hi in
die middewaert dat was sijn
hende

wert hi naemaels sijn verrader
want [133vb] van dien dat onsen
here *ende* sinen iongeren
gegeuen wert daer van plach hi
te stelen den tienden penning.

Want doet bi *CRISTUS* passie
<+was> ende MARIA MAGDALENA
CRISTUM saluede mit duerbare
saluen so hadde hi des rou *ende*
hadt dat die salue die weerdich
was .ccc. penninge niet en wert
vercoft op dat hi den tienden
penninc daer of had mogen
stelen **E**nde aldus omden scade
te verhalen die hi daer an leet so
vercoft hi *CRISTUM* om xxx
penninge *ende* elc penning was
x. penninge weerdich want hi
stal den tienden penninc van al
datmen *CRISTUM* gaf *ende* daer om
om dat tiendendeel dat hi verloes
aender saluen als voerscreuen is
so vercoft hi *CRISTUM* om xxx
penninge nochtan had hi
namaels rou *ende* brocht die .xxx
penninge weder *ende* ginc van
wanhopen *ende* verhenc hem
seluen **E**nde doe hi gehangen
was barst hi ouermids *ende* al
sijn ingedoemte sijn wtgestort